

ISHIAKA



The history of Isaac in Shanga, as recorded in the Ataula, the first book of Moses: Genesis 24-27.

Hwaashiã

Musa lalahu mahεεbo

Neshiã Ishiakan

Ibrahĩ kpasakè kputukputu, di Baanaje abaakakàa'in hokĩnkõn gũ. Di ì kè ì zɔɔkenaa gbãnkpasan tá bee ì hokĩnkõn εεkɛda: Ñ oosɔto ma gbεε taaũ, má toa ñ jiida Baanaje tozo tá bee laaũ teezo Lakii, dun Kanaa tee tá ma bee mba ne shiũ ma ninda. Ñ wee ma bà tee ma ěmbũa bii, ñ ne shi ma nin gube. Di ì zɔɔkɛda be ì làla ì kè: In neneni be tà shia ì bo ì dɔmama ì shimazo tee diiũ kĩn yee? Mà wee n nizo tee tá n bòũa? Ibrahĩ kè'in: Ñ miiladi! Mba wee ma nizo gubea. Baanaje Lakii Laaũnaje ma bò ma je bà ma ěmbũa teeũ, di ì yãahèmmεε, ì jiidà ì kè ì tee dii kpaa ma boiinama. Īa di ì Mala'ika jĩa ì dimii εε. Gube ń ne shia ma nin. In neneni be tà shia ì bo ì dɔ'mmaa, ń boa jiiũ tá maa tò nn dà. Mba wee gube ma nizoa fa! Di ì zɔɔkɛda be ì oosɔto ì baanaje gbεε taaũ, ì jiidà'in yãa be mii.

Zɔɔkɛda be ì baanaje kotosaanaa shì wokoi ì baanaje ooho iinazo kõn, di ì kpàtee ì wèe Nahoo hwaaũ Sulia Mesɔptamia teeũ. Tá ì bòo gube, ibe tò kotosaanaa ùsã lee igu'εε sɔ hwaa kpεε. Tá igee kè, lokaci tá nenenia tà bo i tɔtɔji, di ì Lakii zèe ì kè: Baanaje, ma baanaje Ibrahĩ Lakii, ñ hoyãake ma baanajen. Ñ to ma tá ke yãazo kpãia. Ñ wa, ma gɔɔde lee igu'εε sɔ. In

hwaa nuheã boa i tɔtɔji, nuhe tá má hea'in ì ì kò intee ì i kashimee mà mi, in ì yãahèmee mà mi, ì i kpaa ma kotosaanaama mɔɔ, má dɔa n hoyãakè ma baanajen, ïa neneni tá nn jè n zɔɔkɛda Ishiaka bon.

Ìta yãa be he yãa, di Betueli ni Lifikatu bò kòzo ì ěema. Betueli be Ibrahim daji Nahoo ni tá ibe è ì nɛ Milikazo. Nuhe yãan, ì kungu, nɔgɔni kee tà intee'izo yãada. Ì nù igu'ee gu, ì i tɔtɔ ì kò hwà, di ì ladì ibi taa. Di zɔɔkɛda be baashì ì wèe ì gu zèe'in ì kè: N ma gba i mà mi, ko mɔkɔ. Neneni be kè: Ì mi Baaba! Di ì ì kò intee tanditandi, di ì i kpà'ima, ibe mì. Tá ì i kpà'ima ibe mì ì yã, ì kè: Má tɔtɔa n kotosaanaan kìn, à mi ha à kã. Di ì ì kò i kàa hubɛena imiguũ tanditandi, ì ladì ì baashì ì wèe i tɔtɔji igu'ee gu, di ì i tɔtɔ kotosaanaan kɔn. Di nɔgɔni be gɔɔ, ibi ì waa shīshīn, dun ì dɔ in Baanaje ì to ì ta kea yãazo, ko iba kea yãazoa. Tá kotosaanaa imì à yã, di nɔgɔni be jinali ïiho yãa bò ibe gã nuhe be ïiũ, ì jinali oomaho gã'in hwaa. ïiho be gbitee bòo garam sɔɔ, oomahoã be kìn garam kasɔɔkasɔɔ. Di ì ì làla ì kè: Ì hemee, miia ji nin? Wá iigu taa n je bàa? Di ì jinshì'in ì kè: Maa Betueli nin, Milika Nahoozo cīinin. Shēe buzugacizo bee wa bà dake, mɔɔ iigu bee kìn. Di nɔgɔni be mii'eezè tee ì kùtee Baanajen ì kè: Wà Baanaje ma baanaje Ibrahim Lakii saabukpa, dun ìta ge hoyãa amincikezo keji'inda. Maakìn, Baanaje òimee ee ma baanaje ěmbūa bà.

Di nuhe be baashì ì wèe ì yãa be ladì ì baa gbāian. Lifikatu be daji zo, wàta ke'in Labã. Ì bò hwaa kpɛɛ baazo, ì wèe ì nɔgɔni be tà igu'ee gu, dun ibe wà ì dako ïiho gã oomahozo, mɔɔ yãa

tá nɔgɔ̃ni be kɛ̀'ín ibe mà. Tá ì wèè ì ì tà kotosaanaazo igu'ɛɛ gu, ì kè: Ñ nu, n gbān tá Baanaje abaakakàa'in! Budikpaaji n gɔ̃ɔ hwaa kpɛɛ? Ma ke kpākpāmii kotosaanaa eeguzo. Nɔgɔ̃ni be gā kpɛɛbataũ, di Labā kotosaanaa aso hòo ì shēelala bútu buzugacizo kpà'ama, ì i kpà nɔgɔ̃ni bema, dun ì gēɛ heeheezo ì gbāiazo kɔ̃n.

Wà mabena jè'in, di ì kè: Mába hobeeda tɔ̃ɔda sai ma yāahè tá ma nùzo Di Labā kè: Ñ he. Di ì kè: Maa Ibrahĩ zɔɔkedan. Baanaje abaakakàa ma baanajen gba, di ì gɔ̃ kaweenaaje. ì ì gbà tāana diinazo azuhwazo jinalizo zòo nɔgɔ̃niazo zòo neneniazo kotosaanaazo jekiāzo. Ma baanaje be ne Salamatu ni'è nɔgɔ̃ni ì kpasakɛũ, di ma baanaje ì hoā kpà ni bema kɔ̃n. Ma baanaje tò ma jiidà, dun ì kè màba neshia ì nin Kanaa tɛɛ nuheā bii tá ì beeda. Ì kè mà wee ì je bà ì boiinaũ, mà ne shi ì nin gube. Di ma ma baanaje làla ma kè, in nenenì be tà shia ì bò ì dɔmamaa kīn yee? Ì jinshimɛɛ ì kè, Baanaje tá ita ta'izo, ĩa di ì Mala'ika jīa ì wee ì gɔ̃ɔmɛɛ, dun ma ta ke yāazo, mà neshi ì nin ì je bà ĩmbūa bii. Ì kè in ma wèè ì ĩmbūa gu, in wàta shiaa, má boa yāaũ tá ma jiidà'in.

Tá ma nù igu'ɛɛ gu kpāia ma kè: Baanaje, ma baanaje Ibrahĩ Lakii, in í shia, ñ to ma ta ke yāazo. Ma gɔ̃ɔde igu'ɛɛ gu. Nuhe tá nù ì tɔtɔji, di maa kɛ̀'ín ì ma gba ì mɔkɔ̃ mà mi, in ibe hè mà mi, ì i tɔtɔa ma kotosaanaan mɔɔ, má dɔa ĩa nuhe tá nn jè ì ke ma baanaje ni bon. Daaji ma yāa be hè ma zūuũ ma yā, di Lifikatu bò kòzo ĩɛma, ì nù igu'ɛɛ gu ì i tɔtɔ. Di ma kɛ̀'ín ì ma gba ì mà mi. Ì ì kò ìntɛɛ tanditandi, ì kè mà mi, ì kpaa ma

kotosaanaama мов. Maa mì di ibe kpà ma kotosaanaama. Di ma ì làla, ãa jì nin? Ì kè ãa Betueli nin, Milika Nahoozo cīinin. Di ma ãiho gã ì ãiũ, ma oomaho gã ì oonama. Di ma mii'ezẽ tee ma kùtee Baanaje ma baanaje Ibrahĩ Lakiin, ma ì saabukpà, dun ì dìmee ee zee susuuũ, dun mà ma baanaje daji cīini shi ì nin. Tandì in a shì à ho yãa amincikezo ke ma baanajen, à hemee. In atà shi kīnda, à hemee, má wada gu kee. Labã Betuelizo jinsh'ìn à kè: Yãa be bò Baanaje gu, wába hokan heaa, ì yãa ko ì zezẽ. Lifikatu gii, ñ ì shi ñ ta'izo, ì gõa n baanaje ni ne lata Baanaje hẽ. Tá Ibrahĩ zòokeda be à yãamà, ì intee teema Baanajen. Di nuhe kawee tá wàa kè azuhwazo jinalizo tuhwaanazo ì bò ibe kpà Lifikatuma. Ì ì daji ì dõzo gbà ho kaweenaa мов. Di ãa gbãiazò tá bee'izo hobèe à imì, di à ì gube.

Tá à kpàtee saazo ì kè: À ma to mà wee ma baanaje gu. Nuhe daji ì dõzo à kè: Ñ to ni be gõwazo ko dii wokoi, sa'ai ì wada. Di nɔgõni be kè'ẽe: Lata Baanaje ma ta kè yãazo lee, àba ma dãdãa. À ma zuga mà wee ma baanaje gu. Di à kè: Wà ni be shishi wà ì lala. Di à Lifikatu shishi à ì làla à kè: Ñ wada gbace bezon ya? Di Lifikatu kè: Má wada. Di à Lifikatu tò ì katadazo, àbi wada Ibrahĩ zòokedazo ì gbãiazò. À sanga yãa kè Lifikatun à kè'in:

Ni, í gõa gbān dakeã dõ ha gūngbee,
n boiina jẽbeeda à gaabajeã hwaanama.

Di Lifikatu kpàtee ì zòo neneniazo, à shia kotosaanaa kpẽe, à bò à dõ nɔgõni bema, di ì wèe'àzo.

Ashe Ishiaka shì igu'ee gu tá wàta ke Lakii betenaje tà ita ma wa igu'ee, ì zùtée Nègeve téeũ. Ì bò ì wèe bēēkeji lateẽũ ige. Tá ì wie zù, ibe wà kotosaanaa bi nua. Lifikatu wiezù ì Ishiaka wà mɔɔ, di ì ìntee ì kotosaanaje kpee hidahida, ì zɔɔkɛda be làla ì kè: Ji nɔgɔni dabi tá ta lateẽũ ibi nua kɔtajiawazo? Di zɔɔkɛda be jinsh'ìn ì kè: Ma baanajen. Di Lifikatu ì bashe wíekukubo shì ì tàta ì wiema. Tá à bòo Ishiaka gu, yáa tá zɔɔkɛda be kè ibe lad'ìn kɔn. Ishiaka gǎ Lifikatu zo ì dɔ̄ Salamatu bashekeũ, di ì ì shì, ì kè ì ne. Ì yaa'iji, di ì jìi è'è ì dɔ̄ gaã kpee.

Ibrahĩ ni kǎa

Ibrahĩ ne kee shì mɔɔ, ì to Ketula. Adiina nia tá ibe è'izo toǎn: Jimalana, Yokosǎ, Mɛdǎ, Madia, Ishibaki, Suazo. Yokosǎ di Sheba è Dedanizo. Dedani boiinan Asuliaǎ Letushiǎ Leumiazo. Adiina Madia nɔgɔnia toǎn: Efa, Efɛɛ, Hanɔki, Abida, Elɛdaa. À kpee kɔn Ketula boiinan.

Ibrahĩ ì hoǎ kpà Ishiakama kɔn, di ì indakè ì ne kǎa nian, ì à tò usasala kawa daaji ì ga, dun àbagɔ bee Ishiakazoa.

Ibrahĩ gaã

Ibrahĩ yēe kè kasɔɔ nizo ka'aa wokoi wɔsɔɔzo () di ì gà. Ì kpasakè kputukputu, di ì wèe ì gbǎiaũ. Ì nia Ishiaka Ishima'ilazo à ì dà Makpela gbɛekooũ, Mamale usasala, jee tá Hiti boii Zohaa ni Efɛlɔni bon yǎa, di Ibrahĩ lù Hitiǎ gu. Gube wà ì dà gbɛekooũ ì ne Salamatu zo. Ibrahĩ gaã kpee Lakii

abaakakàa ì ni Ishiakan. Ì zuteede lee Lakii betenaje tá ita ma wa igu'ee so.

Ishima'ila boiina

Ĩa Ibrahĩ ni Ishima'ila boiina labaiin: Salamatu zòo nuhe Hajalatu, Masa neneni di ni be ě'izo. Adiina ì ninɔgɔɔnia toān à ěama. Ì nɔgɔɔni mahɛɛbo to Nebayo. Adiina ì dakoā toān: Kedaa, Adabɛeli, Mibisamu, Mishima, Duma, Masa, Hadada, Tema, Yetuu, Nafishi, Kedemazo. Adiina Ishima'ila nɔgɔɔnia toān. À koji tokpà ì hwaan ko ì gaa. Adiina boiina wokoi wohwaazo cĩi mahɛɛnan.

Ishima'ila yɛɛ kè kasɔɔ nizo kadoo wokoi wɔsɔɔ wohwaazo () di ì gà ì wèè ì gbãiaũ. Ì boiina zùtɛ Havila weeji Suluma Masa tɛɛ leema weeji Asulia tɛɛ kawa. Àbata kɔ̃ ce shia Ibrahĩ boii kãazoa.

Yakubu Isuazo ěa

Ĩa Ibrahĩ ni Ishiaka boiina labaiin: Ibrahĩ Ishiaka ě. Tá Ishiaka yɛɛ kè kahwaa, di ì Labā dako Lifikatu shì. ĩa di Sulia tɛɛ gbace Betueli ni tá bò Mesopotamia tɛɛũ. Ishiaka Baanaje zèè ì nen, dun nedan, di Baanaje ì zeena shì, di ì ne be ni'ěgbɛɛshì. Hĩaa bi dɛɛboa ì gbɛɛũ, di ì kè: Budikpaaji ho dii ii ma tà? Di ì wèè Baanaje lalaji. Baanaje kè'in:

Boii hwaa bee n ni'ěgbɛɛũ,

gbãia hwaa be tá bee n gbɛɛũ à kataa kɔ̃ji.

Boii dooni gbadake daa ì doonila,
ni tá bò sasaa zɔkɛa ni hwaabɔ̃abon.

Tá ì ni'édii bò, ì hĩaa ẽ nɔgɔ̃nia. Tá gbǎn mahɛɛbo bi boa, ì bò
jiikaka cẽzo. Ì jiikaka gɔ̃ doo tɔgɔ kakabozo, di wà tokpà'in
Isua. Bee kpɛɛ tá ni hwaabɔ̃abo bi boa, ì Isua gɛ̃etitiɔ̃ kũ, di wà
tokpà'in Yakubu. Ishiaka yɛɛ ka'aabɔ̃abon ì nia be ẽ.

Nia be gba kè. Isua gɔ̃ tobe gba tá bata kata lateɛma. Yakubu
kĩn batabokpɛɛda. Ishiaka yaa Isuaji, dun ì lateɛsɔ̃ bee ì leeũ.
Lifikatu kĩn ì yaa Yakubuji.

Dii kee Yakubu bi doo kuuda, di Isua shì lateɛzo, ibi nɔɔmaa.
Di ibe hè Yakubun: Lakii yǎaji! Ñ to mà mabena cẽ dii bee,
dun mabi nɔɔmaa. Ìadikpaaji wà tokpà Isuan ɛdɔũ. Yakubu kè:
Ñ n ni mahɛɛ gbiina kpamama tɔ̃. Di Isua kè: Ma nù ga
leema, bu ma ni mahɛɛ gbiina kɛameɛ? Di Yakubu kè'in: Sai
nn shì Lakiizo tɔ̃. Di ì kè ì shì Lakiizo, ì ì ni mahɛɛ gbiina
kpà'ima. Di Yakubu ihoka kpà'ima kpee doo bezo. Ibe bèe ì
imì, di ì kpàtɛɛ ì bò. Lee Isua ì ni mahɛɛ gbiina tò togo.

Ishiaka Abimelekizo

Laabāa nù tɛɛ beũ, baa ì mahɛɛbo tá kè Ibrahĩ lokaci, di
Ishiaka kpàtɛɛ ì wè Filishitiā kii Abimeleki gu Gelaa. Di
Baanaje bò ì nù'ima ì kè:

Mba wee Masaa.
Ñ zutɛɛ gu tá má heamii.
Ngɔ̃ bee tɛɛ diiũ tɔ̃.

Magõa bee'nzo, má abaakakaadamii.
Má tee di kpaa'mma kõn n boiinazo,
jiida tá maa kè n jen má keamii.
Má n boiina lahaa doo sɔɔniazo,
má tee di kpaa'mma kõn.
Boiina tá bee dunian kõn
à abaaka taa n boii gu,
dun Ibrahĩ ma yãamà.
Ì ma oocĩinɔnɔ wà,
yãana tá maa jè ibe kũ
ma dɔɔkaãzo ma ikoyãanazo.

Di Ishiaka gẽ Gelaa. Tá teɛnaa bi ì lalaa ì ne yãaji, ì kè ì dakon.
Dun ibi wasaamaa, ibi waa in ì kè ì nen, wà ì dea ne be yãaji,
dun neneni yãan. Tá ì diihwaa kè gube, Filishitiã kii Abimeleki
bi tee waa taagaũ, di ibe wà Ishiaka bi kũkekea ì nezo. Di ì
Ishiaka shìshi ì kè: Ashe n nen fa! Budikpaaji n kè n dakon? Ì
jinshì'in ì kè: Mabi waa wà ma dea ì yãaji. Abimeleki kè: Bu
yáa nn kèwẽe lee? Mɔkɔ di gẽ wa gbãnkee intee n nezo, dà n
tɔɔdàwẽe. Di Abimeleki kpɛekè kojima ì kè: Gbace tá oonà
nɔgõni diima ì nezo, wà ì dea.

Ishiaka ho tẽ tee beũ, di ì ho tà yẽe be kù kasɔɔ, dun Baanaje
abaakakàa'in. Ì gbadakũ, ì oohoã ta laha ha ì gẽ kaweenaje
gba hale. Ì tãana zo diinazo zɔɔnazo dake, di Filishitiã gè'iji.
Di igu'eena tá ì je Ibrahĩ jĩikenaa ẽ ì lokaci, abe tàta teezo kõn.
Di Abimeleki yãahè Ishiakan: Nè gowama, dun n gbadake
dàwala hale.

Di Ishiaka bò gube, ì gaa jè Gelaa gu'intèenaũ, di ì diihwaakè gube. Igu'èena tá wàa è ì je Ibrahĩ lokaci, Filishitiã tàta ì gaã kpɛɛ, ì ladì ì igu'èena be kòkò, to doona tá ì je kpà'èè koyāa ibe kpà'èè mɔɔ. Ishiaka jĩikenaa igu'èe kee è gu'intèena beũ, di à bò i yāama. Di Gelaa hubɛɛ hōngɔnaa yāagaatà Ishiaka hubɛɛ hōngɔnaazo à kè: Wa in. Di ì tokpà igu'èe ben Jēɛ, dun à jēekè'izo. À igu'èe kee è, di wà yāagaatà igu'èe be yāaji mɔɔ, di ì tokpà'in Gaabajɛ. Ì gò gube, di ì igu'èe kee è mɔɔ, àta yāagbagbahea ì yāaji mɔɔda. Di ì tokpà'in Gambahoo, dun ì kè: Baanaje wa gbà gambahoogu, wá jiizugaa tandi.

Bee kpɛɛ ì wèè Bɛɛsheba. Baanaje bò ì nù'ima gũmɔ be ì kè:

Maa n je Ibrahĩ Lakiin,
m̃ba wasaamaa, dun ma bee'nzo.
Má abaakakaadamii, má n boiina lahaa
ma zɔɔkeda Ibrahĩ yāaji.

Gube ì sangakegu bò ì Baanaje shìshi. Di ì gaa jè gube, ì jĩikenaa bi igu'èe èɛda. Di Abimeleki bò Gelaa ì nù Ishiaka gu ì ije Ahuzazo ì jēekenaa gbānkpaɛa Fikolizo. Ishiaka à làla ì kè: Lata a gèmajì a ma yà a bà, budikpaaji a nù ma gu? À jinshì'in à kè: Wáa wà Baanaje bee'nzo, di wa kè ì yāazo wà kōyāashi, wà jiida kōzo ì yāaji, dun m̃ba hozeze kee kɛwēɛda, dun watà nindekpa'mmaa. Ho yāa wáa kèmmii, wa n zùga lahia, di Baanaje abaakakàamii. Di Ishiaka ì à ladò, à hobèè à imì. Tá à kpàtɛɛ saazo, à jiidà kōzo, di Ishiaka gòò'èè, à bò ì gu lahia. Lokaci be Ishiaka jĩikenaa nù igu'èe yāahè'èè tá abe èè à kè: Wa

i wà. Di ì tokpà'in Shēba. Īadikpaaji wàta kē hwaa ben Bēesheba ha kpāia.

Tá Isua yēē kē kahwaa, ì Hiti nē shì hwaa, Beeli ni Yuditi Eloni ni Bashematizo. Ishiaka Lifikatu zo zūushikē à yāaji.

Ishiaka sanga yāa keā Yakubun

Ishiaka kpasakē, ì wie ba gbada mōda, ibai gu waa yāazoa. Di ì ì ni mahē shìshi ì kē: Ni! Di ì jinshì'in ì kē: Maa gii. Ishiaka kē: Ma kpasakē, matà ma gadii dōa. Ì n saa shi n goozo, ì wee ì lateesō tamē. Doo tá ma yaaji ì kuu ì nuzomē mà bee, má sanga yāa keamii daaji mà ga.

Yāa be tá Ishiaka bi hea Isuan Lifikatu mà. Tá Isua kpàtē ì wē tobekeji, di Lifikatu wē ì yāahē Yakubun ì kē: Maa mà n je bi yāahea n dajin ì kē, ì wee ì sō dē'in, ì doo tá i yaaji ì kuu'in, ì beeda, ì sanga yāa kea'in Baanaje tozo daaji ì ga. Di Lifikatu ladi ì kē'in: Ì ma yāama, yāa tá má heamii ì kē. Ì wee beena gu, ì beeni yāana kū hwaa ì zē, ì kpākpā ì nuzo, n je doo tá ì yaaji má kuuda'in, sa'ai ì weezo'in ì bee, ì sanga yāa keamii daaji ì ga. Di Yakubu yāahē ì dōn: Ma daji kaka zo mō maa mulumulun. In ma je oonāmama in ì ma dō, ì jea mabi sesekea'in, ì leekamee sanga yāa gē. Di ì dō kē'in: Lakii to leekē be gōmē. Ì ma yāama! Ì wee ì zē ì nuzomē.

Di Yakubu wē ì beena be zē ì nūzo ì dōn, di ì je doo tá ì yaaji ì kūuzo'in. Di ì ni mahē tuhwaa yāana tá bee ì keū ibe

shì ibe gǎ ì ni hwaabõabon. Ì beeni shèe hǐ ì oonama ì kotozo
tá ba kaka zoa. Di ì doo be kpà'ima ihokazo tá ibe kè.

Yakubu wèe ì je gu ì kè: Baaba! Ì kè: Maa gii! Ma ni kpashe?
Yakubu jinshì'in ì kè: Maa Isua n ni mahεεbon. Lata n
yāahèμεε, maa kè. Ñ kpatεε ñ zutεε ñ ma oojĩ bee, ñ sanga
yāa kemεε. Di Ishiaka hè ì nin: O'o! Nn tà kɔa? Ì jinshì'in ì kè:
Baanaje n Lakii di kākèμεε. Di Ishiaka kè'in: Ñ zōmaji mà
oona'mma, dun mà dō miia ma ni Isuan inte. Yakubu zǒ ì jeji,
di ì oonà'ima ì kè: Lɔkɔ dii Yakubu lɔkɔn, amaa oo dii Isua
oon. Di ìta ì dōa, dun ì oona kaka zo doo Isua bozo. Ì yaaji ì
sanga yāa kea'in, di ì ì làla tǒɔ: Miia ma ni Isuan intea? Ì kè:
Ee, maan! Di ì kè: Ñ ho kpamama mà n oojĩ bee, mà sanga
yāa kemii. Tá ibe jè'in, di ibe bèe. Ì nù'in inabi'izo, ibe mì mɔɔ.
Di ì je be kè'in: Ñ zōmaji, ñ leekpamama. Di ì zǒ'iji ì
leekpà'ima. Tá Ishiaka ì tuhwaana wusamà, di ì sanga yāa
kè'in ì kè:

Ma ni wusa doo jeezo tá Baanaje abaakakàan.

Lakii n gba hii tá bò laaũ,

ì n gba tεε taakinaje,

wu inabi'izo hwa'ngu.

Gbāia zɔɔkemii,

boiina kuteemii,

ñ gō n gbāia baanaje,

n dō nia kuteemii.

Lakii leehe gbāian tá leehèmmi,

ì abaakakaa gbāian tá sanga yāa kèmmi.

Tá Ishiaka sanga yāa kè Yakubun ì yā, di Yakubu gò ì gu. Tá ì daji shì tobekegu tanditandi, di ì mabena kè ì jen mɔɔ, ì wèezo'in, di ì kè'in: Baaba! Ì kpatée ì ma oojii bee, ì sanga yāa kemée. Di ì je ì làla ì kè: Miia jin? Ì jinshì'in ì kè: Maa n ni mahée Isuan. Yāa be kpaaji Ishiaka lùgbe gbada, ì kè: Ji di sɔɔ dè ì nùzomée daaji ì nu, maa sò? Ma sanga yāa kè'in kɔ, mɔɔ ì abaaka be taa. Tá Isua ì je yāa be mà, ì jīndà gba ì ò ì gè tosaidho, di ì kè: Baaba! Ì sanga yāa kemée kīn. Di ì kè: N dako nù shēēbeezo ì n sanga yāa shì kɔ. Di Isua kè: Ì to ba Yakubundaa? Ì ma shēēbèe kù hwaa tandi. Ì ma ni mahée gbiina shìmama yāa, di ì ma sanga yāa shìmama guii mɔɔ. Mába sanga yāa taa mɔɔdaa? Ishiaka jinshì'in ì kè: Ma ì jè n baanaje, ma ì ěmbūa kè ì zɔɔkenaa, ma wu kpà'ima inabi'izo. Bu má keamii mɔɔ? Isua hè ì jen: Baaba, ĩa sanga yāa kpeegēi tá nn zon ya? Ì sanga yāa kee kemée mɔɔ Baaba. Di Isua hwaashì ozo. Di ì je jinshì'in ì kè:

Tee tá n beeū ba taaki zoa,
hii ba boamii laaūa.
Ngõa hēesaa kūa diikōn,
ń zɔɔkea n dakon.
Lata n zūu gōa baa usā,
ń ì kotogaa goa'nla.

Isua gaabakè Yakubuzo sanga yāa tá ì je kè'in yāaji, di ibe hè ì zūuū: Ma je gaā ba saa, sa'ai má ma dako dēa. Yāa be tá Isua hè ì gā Lifikatu tōlaū, di ì Yakubu shìshi ì kè: Isua yaaji ì hindebo'mma ì n dē. Ì ma yāama tandi. Ì kpatée ì baashi ì

wee ma daji Labã bà Halana, ògõ bee'izo gube t̃õ ha n daji hũnga int̃e. In ì hũnga è'è, m̃õ yáa tá nn kè'in ì s̃às̃a'izo, má gbānkee j̃ã n shishiji. Mába yaaji mà kaa ma ni hwaaji k̃õn dii dooda.

Di Lifikatu yāahè Ishiakan: Hiti ñeñenia yāaji ma z̃è maa bet̃ekezo. In Yakubu Hiti ñe sh̃i t̃eũ gui doo Isua ñeñenia bezo, maa bet̃eke bag̃ã yāazom̃e m̃õda.